

# Te Reo Rangatira Te Kaupae 1

## Te Tautuhinga Aromatawai ā-Waho 2025



Te Paerewa Paetae	92076
Te Ingoa o te Paerewa Paetae	Te whakamārama i ngā āhuatanga motuhake o tētahi momo reo kua ākona
Ngā whiwhinga	4
Te Marau	Te Marautanga o Aotearoa: <a href="#">Te Reo Rangatira</a>
Te Wāhanga Ako	<a href="#">Te Tukutuku Ako</a>
Te Tukanga Aromatawai ā-Waho	<a href="#">He Tūmahi Aromatawai Pātahi</a>
Te Rā Aromatawai ā-Waho	Te 10 o Hepetema 2025
Te Roanga o te Aromatawai	90 meneti
Ngā Wātaka 2025	<a href="#">Examination timetable and assessment dates 2025</a>

### Te Tūmahi Aromatawai Pātahi (TAPā)

He Aromatawai ā-waho te Tūmahi Aromatawai Pātahi (TAPā), ka whakaritea ūna tūmahi, ka mākahia hoki ngā urupare a te ākonga e Te Mana Tohu Mātauranga o Aotearoa (NZQA).

Mō te Tūmahi Aromatawai Pātahi, me mahi te ākonga mā te ipurangi i te rā kua tohua ki te whakautu pātai hei aromatawai i te paerewa paetae nei.

### Te Whakahaere TAPā i te Kura

Ka whakahaerehia te TAPā e te kura, i te kura i 'Te Rā Aromatawai'.

Mā te Mana Tohu Mātauranga o Aotearoa te taupānga rorohiko e whakawātea, e aukati hoki.

Hei waenga i te 8.30 (i te ata) me te 5.30 (i te ahiahi) ka whakawāteahia te taupānga rorohiko (te Assessment Master) e whakaoti ai ngā ākonga i te TAPā.

Ka 90 meneti te roa o te wā ki ngā ākonga hei whakaoti i te TAPā.

Ka āta whakaritea tētahi/ētahi wāhi motuhake (hei tauira; tētahi rūma nui, tētahi akomanga rānei) e wātea ana ngā rauemi nei; arā, ngā kaiwhakarato ipurangi, ngā rorohiko, ngā tēpu, ngā tūru, ngā pepa ohia manomano, ngā pene anō hoki.

## Te Whakatakotoranga Aromatawai

He aromatawai ā-matihiko tēnei, ā, he TAPā puka tuwhera (Open Book). Ko tā te Ākonga mahi he kōwhiri i tētahi pātai kātahi ka tuhi i ngā urupare.

E rima ngā pātai o te TAPā nei, ā, ko te wāhangā ki te ākonga ko te kōwhiri i tētahi o aua pātai, kātahi ka tuhi i te urupare ki te momo reo i ākona ai ki te akomanga.

Mehemea he mōteatea te momo reo i wetekina ai, i ākona ai hoki ki te akomanga, ka noho ko tērā momo reo hei horopaki, hei tāhū mō tēnei TAPā puka tuwhera. Kei te kura, kei te ākonga te tikanga mō te momo reo, otirā, te horopaki.

Ko ētahi tauira o ngā momo reo ko:

- Te pakimaero
- Te rotarota
- Te mōteatea
- Te haka
- Te pūrākau
- Kotahi te pātai, ā, me kaua ngā kupu o te urupare ā-tuhi e iti iho i te 350 kupu, ā, me kaua e rahi ake i te 500 kupu.

## Ngā Herenga Aromatawai

Me whakaoti te ākonga i tēnei TAPā ki mua i te aroaro o te kaiako, ā, me whai hoki ngā ture o te aromatawai ā-waho:

- I te wā o te aromatawai ā-waho, me aro anake ngā ākonga ki ngā rauemi kua whakaaetia mō te aromatawai ā-waho.
- Kāore e whakaaetia ana te kawe tuhinga kē, te kawe rauemi tautoko kē rānei ki roto i te rūma aromatawai ā-waho.
- Ka 90 meneti noa te roa ki te ākonga hei whakaoti i tēnei TAPā.
- Mō te tūpono ka raru te ipurangi, ka tukua hoki he kape ā-pepa.

[About digital external assessment: NZQA.](#)